

ქალაქ თბილისის მუნიციპალიტეტის საკრებულოს

სახელდებისა და სიმბოლიკის კომისიის სხდომის

ოქმი N 51

1 ოქტომბერი, 2025 წელი

ქ. თბილისი, თავისუფლების მოედანი N 2

13:00 სთ

კომისიის სხდომას უძღვებოდა სახელდებისა და სიმბოლიკის კომისიის თავმჯდომარე ლევან აბაშიძე. სხდომას ესწრებოდნენ სახელდებისა და სიმბოლიკის კომისიის წევრები:

თინათინ ნიბლოშვილი

მარიამ ზაქარიაშვილი

თამარ ჩახვაშვილი

დღის წესრიგი

1. ქალაქ თბილისში, საბურთალოს რაიონში, 26 მაისის მოედნის და აკაკი ჩხენკელის სკვერთან არსებული უსახელო სკვერისთვის პოლიტიკური და საზოგადო მოღვაწის **ნოე რამიშვილის** სახელის მინიჭების შესახებ.
2. ქალაქ თბილისში, ვაკის რაიონში, დიმიტრი არაყიშვილისა და ზაქარია ფალიაშვილის ქუჩებთან არსებული უსახელო სკვერისთვის ფრანგი პოლიტიკოსის და სახელმწიფო მოღვაწის **რობერ შუმანის** სახელის მინიჭების შესახებ.
3. ქალაქ თბილისში, ვაკის რაიონში, უნივერსიტეტის ქუჩასთან მდებარე უსახელო ქუჩისთვის მძლეოსანის, ოლიმპიური ჩემპიონის **ვიქტორ სანეევის** სახელის მინიჭების შესახებ.
4. ქალაქ თბილისში, გლდანის რაიონში, შოთა მიქატაძის ქუჩისთვის სპორტსმენის, ფეხბურთელ **სერგო კოტრიკაძის** სახელის მინიჭების შესახებ.
5. ქალაქ თბილისში, ნაძალადევის რაიონში, ზიგზაგის I ქუჩისთვის და I ჩიხისთვის ისტორიკოსის, აკადემიკოს **ოთარ ჯაფარიძის** სახელის მინიჭების შესახებ.
6. ქალაქ თბილისში, ჩუღურეთის რაიონში, გურამ გაბისკირიას ქუჩისთვის საქართველოს ეროვნული გმირის **გურამ გაბესკირიას** სახელის მინიჭების შესახებ.
7. ქალაქ თბილისში, რსნის რაიონში, საბარგოს დასახლების XII შესახვევისთვის აფხაზეთის ომში დაღუპული მეზრძოლის დიმიტრი კორახაშვილის ქუჩის და **დიმიტრი კორახაშვილის I, II და III ჩიხების** სახელის მინიჭების შესახებ.
8. „ქალაქ თბილისში, დიდუბის რაიონში, ზორის პაიჭაძის ქუჩასთან არსებული უსახელო სკვერისთვის **13 მაისის** სახელის მიენიჭების შესახებ“. ქალაქ თბილისის მუნიციპალიტეტის საკრებულოს 2025 წლის 23 სექტემბრის N447 განკარგულებაში ტექნიკური შეცდომის გასწორების შესახებ.
9. ქალაქ თბილისში, საბურთალოს რაიონში, კედარის ქუჩასთან არსებული უსახელო ჩიხისთვის **კედარის I ჩიხის** სახელის მინიჭების შესახებ.

10. ქალაქ თბილისში, მთაწმინდის რაიონში, სოფელ შინდისში, მიხეილ ჯავახიშვილის I შესახვევის მონაკვეთისთვის და იოსებ მანსვეტაშვილის I შესახვევისთვის მიხეილ ჯავახიშვილის I შესახვევის სახელის მინიჭების შესახებ.

ლევან აბაშიძემ კომისიის სხდომაზე დღის წესრიგით გათვალისწინებული საკითხები წარმოადგინა.

ლევან აბაშიძის ინფორმაციით, საბურთალოს რაიონში, 26 მაისის მოედნის და აკაკი ჩხენკელის სკვერთან არსებულ უსახელო სკვერს კომისიას სურს პოლიტიკური და საზოგადო მოღვაწის ნოე რამიშვილის სახელი მიანიჭოს. ნოე რამიშვილმა 1918 წლის 26 მაისს ხელი მოაწერა საქართველოს დამოუკიდებლობის აქტს, იმავე დღეს კი აირჩიეს ახლადშექმნილი საქართველოს დემოკრატიული რესპუბლიკის დროებითი მთავრობის პირველ თავმჯდომარედ.

როგორც ცნობილია, 2024 წლის 24 მაისს, ასევე კომისიის ინიციატივით და საკრებულოს განკარგულებით, 26 მაისის მოედანთან არსებულ სკვერს მიენიჭა ქართველი პოლიტიკოსოს და დიპლომატის, საქართველოს დემოკრატიული რესპუბლიკის საგარეო საქმეთა მინისტრის აკაკი ჩხენკელის სახელი.

კომისიის მიერ შესწავლილ იქნა 26 მაისის მოედნის და აკაკი ჩხენკელის სკვერის მიმდებარე ტერიტორია. არსებული სარეკრეაციო სივრცეები იძლევა შესაძლებლობას განხორციელდეს სახელდება თემატური კონტექსტის გათვალისწინებით, რაც იმას ნიშნავს, რომ შერჩეული სახელწოდებები დაუკავშირდება საქართველოს 1918-1921 წლების დამოუკიდებლობის მოპოვების პერიოდს.

კომისიამ მიზანშეწონილად მიიჩნია ზემოხსენებულ ტერიტორიაზე არსებული უსახელო სკვერისთვის ნოე რამიშვილის სახელის მინიჭება.

კომისიის სხდომაზე ვაკის რაიონში კიდევ ერთი უსახელო სკვერის სახელდების საკითხი განიხილეს. ამ შემთხვევაში საკითხის ინიციატორი შპს რობერ შუმანის სახელობის ევროპული სასწავლებლის დირექტორი მარიამ გორგოძეა. მისი მომართვის საფუძველზე და სკოლის ადგილმდებარეობიდან გამომდინარე ერთობლივი კომუნიკაციის და შეთანხმების საფუძველზე კომისია მხარს უჭერს დიმიტრი არაყიშვილისა და ზაქარია ფალიაშვილის ქუჩებთან არსებული უსახელო

სკვერისთვის ფრანგი პოლიტიკოსის და სახელმწიფო მოღვაწის რობერ შუმანის სახელის მინიჭებას.

კომისიის სხდომაზე ვაკის რაიონში, უნივერსიტეტის ქუჩასთან მდებარე უსახელო ქუჩისთვის მმლევსანის, ოლიმპიური ჩემპიონის ვიქტორ სანეევის სახელის მინიჭებასთან დაკავშირებით იმსჯელეს. საქართველოს მე-20 საუკუნის საუკეთესო სპორტსმენად აღიარებული ვიქტორ სანეევის ბიოგრაფიაზე ვრცლად ისაუბრეს და დღის წესრიგით წარმოდგენილ მესამე საკითხს კომისიის წევრებმა დადებითი რეკომენდაცია გაუწიეს.

ლევან აბაშიძის განმარტებით, გლდანის და ნაძალადევის რაიონებში არსებობს შოთა მიქატაძის სახელობის ორი ქუჩა. კომისიაში დაცული მასალების შესწავლით დგინდება, რომ ორივე შემთხვევაში საუბარია მოქანდაკე შოთა მიქატაძეზე. კომისია მიზანშეწონილად მიიჩნევს გლდანის რაიონში, თიანეთის გზატკეცილთან მდებარე შოთა მიქატაძის ქუჩის სახელის ცვლილებას. ხსენებული ქუჩისთვის ახალი სახელის შერჩევის პროცესში კომისიის მიერ შესწავლილი იქნა მიმდებარედ არსებული ინფრასტრუქტურა. ქუჩაზე ფუნქციონირებს ერთ-ერთი მასშტაბური საფეხბურთო კომპლექსი ე.წ. „ამერი“. აღნიშნული გარემოებების გათვალისწინებით, კომისია შესაძლებლად მიიჩნევს გლდანის რაიონში არსებული შოთა მიქატაძის ქუჩისთვის სერგო კოტრიკაძის სახელის მინიჭებას, რომელიც ასევე ფეხბურთის სფეროს წარმომადგენელი, არაერთი პრიზის მფლობელი და ღირსების ორდენის კავალერია.

ლევან აბაშიძემ სახელდებისა და სიმბოლიკის კომისიის და საქართველოს მეცნიერებათა ეროვნული აკადემიის ურთიერთთანამშრომლობაზე ისაუბრა და აღნიშნა, რომ ამ თანამშრომლობის ფარგლებში არაერთი ცნობილი ისტორიკოსის, აკადემიკოსის, მეცნიერის და სხვათა სახელები შეემატა თბილისის ქუჩებს: ამჯერად კომისიამ ერთ-ერთი ქუჩისთვის ისტორიკოსის, აკადემიკოს ოთარ ჯაფარიძის სახელის მინიჭების მიზანშეწონილობაზე უნდა იმსჯელოს, რომლის წვლილი განუზომელია საქართველოს არქეოლოგიის განვითარებაში.

კომისიის წევრებმა საკითხს ერთხმად დაუჭირეს მხარი.

ცნობილია, რომ ქ. თბილისის საკრებულოს 2014 წლის 29 მაისის #112 დადგენილებით, სახელები მიენიჭა ივერთუბნის ტერიტორიაზე მდებარე 11 უსახელო ქუჩას. მათგან ერთ-ერთს ეწოდა საქართველოს ეროვნული გმირის, გურამ გაბესკირიას სახელი, თუმცა დადგენილების ტექსტურ ნაწილსა და დანართში ქუჩის სახელწოდებად მითითებულია გურამ გაბისკირიას ქუჩა. გამომდინარე იქიდან, რომ ზემოხსენებული დადგენილებით რამდენიმე ქუჩას მიენიჭა სახელი, კომისია მიზანშეწონილად მიიჩნევს #112 დადგენილებაში ცვლილების შეტანის ნაცვლად, ქუჩისთვის სახელის ხელახლა მინიჭებას. ამგვარად, გურამ გაბისკირიას ქუჩას მიენიჭება გურამ გაბესკირიას სახელი.

კომისიის სხდომაზე ისნის რაიონში, საბარგოს დასახლების XII შესახვევისთვის და მასთან არსებული ჩიხებისთვის აფხაზეთის ომში დაღუპული მეზრძოლის დიმიტრი კორახაშვილის სახელის მინიჭების შესახებ იმსჯელეს. საკითხის ინიციატორი სსიპ ვეტერანების საქმეთა სახელმწიფო სამსახურია, რომლითაც შუამდგომლობენ აფხაზეთის და სამაჩაბლოს მეზრძოლ ვეტერანებს. მათივე ინფორმაციით, საზრძოლო მოქმედებებში გამოჩენილი თავდადებისა და თავგანწირვისთვის, დიმიტრი ილიას ძე კორახაშვილი დაჯილდოებულია ვახტანგ გორგასლის III ხარისხის ორდენით. სსიპ ვეტერანების საქმეთა სახელმწიფო სამსახურის რეკომენდაციით და კომისიის გადაწყვეტილებით, საკითხი დადებითად გადაწყდა.

ქალაქ თბილისის მუნიციპალიტეტის საკრებულოს 2025 წლის 23 სექტემბრის #447 განკარგულებით, დიდუბის რაიონში, ბორის პაიჭაძის ქუჩასთან მდებარე უსახელო სკვერს დინამო „თბილისის“ მიერ თასების მფლობელთა თასის აღების თარიღის აღსანიშნავად, მიენიჭა 13 მაისის სახელი. დგინდება, რომ განკარგულების დანართზე, (რუკაზე) არსებობს გარკვეული უზუსტობა, რომლითაც სახელდებული სკვერის ნაწილი ფარავს უკვე მინიჭებული ვიტალი დარასელიას სახელობის სკვერს. არსებული გარემოების გათვალისწინებით, როგორც ლევან აბაშიძემ აღნიშნა, საჭიროა ტექნიკური ხარვეზის გასწორება-კერძოდ, დანართის ცვლილება.

ლევან აბაშიძის ინფორმაციით, მ/წლის აგვისტოს თვეში საჯარო რეესტრის ეროვნული სააგენტოს სამისამართო დეპარტამენტს განცხადებით მიმართა მოქალაქე სულხან სულხანიშვილმა, რომლითაც მოითხოვა ქვემო ლისის ტერიტორიაზე შენობა-ნაგებობების ნუმერაცია. საჯარო რეესტრის ეროვნულ სააგენტოში დაცული

მონაცემების თანახმად, საკადასტრო კოდის 72.16.21.757 მიმდებარედ არსებულ გეოგრაფიულ ობიექტს არ აქვს ქუჩის სახელწოდება. კომისიის მიერ ტერიტორიის შესწავლის შემდგომ დადგინდა, რომ უსახელო გეოგრაფიული ობიექტი, რომელიც მდებარეობს კედარის ქუჩასთან, ქალაქგეგმარებითი თვალსაზრისით წარმოადგენს ქუჩის უსახელო ჩიხს.

კომისიის სხდომაზე ქ. თბილისის საკრებულოს 2011 წლის 30 სექტემბრის #62 დადგენილებით სოფელ შინდისში განხორციელებული უსახელო ქუჩების, შესახვევებისა და გასასვლელების სისტემური სახელდებების შესახებ კომისიის თავმჯდომარის ინფორმაცია მოისმინეს. საჯარო რეესტრის ეროვნული სააგენტოს მომართვის საფუძველზე, კომისიამ შეისწავლა იოსებ მანსვეტაშვილის I და II შესახვევის, ასევე მიხეილ ჯავახიშვილის I შესახვევის გავრცელების არეალი. როგორც ირკვევა, მიხეილ ჯავახიშვილის I შესახვევის მონაკვეთი კვეთს რეგისტრირებულ მიწის ნაკვეთებს. ქალაქგეგმარებითი და ურბანული თვალსაზრისით, მუნიციპალიტეტის შესაბამის სამსახურებთან კომუნიკაციის შემდგომ, სახელდებისა და სიმბოლიკის კომისია მიზანშეწონილად მიიჩნევს, რომ მიხეილ ჯავახიშვილის I შესახვევის მონაკვეთი და იოსებ მანსვეტაშვილის I შესახვევი ჩამოყალიბდეს ერთ დამოუკიდებელ გეოგრაფიულ ობიექტად და უნდა მიენიჭოს მიხეილ ჯავახიშვილის I შესახვევის სახელი, ხოლო მიხეილ ჯავახიშვილის I შესახვევის იმ მონაკვეთზე, რომელზეც გეოგრაფიული ობიექტი კვეთს რეგისტრირებულ ნაკვეთებს, უნდა გაუქმდეს სახელწოდება.

კომისიის წევრებმა დღის წესრიგით წარმოდგენილი საკითხები მოისმინეს, კომისიის თავმჯდომარესთან ერთად იმსჯელეს და მხარი დაუჭირეს საკითხების საკრებულოს წინაშე ინიციატივებად დარეგისტრირებას და კანონმდებლობით დადგენილი წესით საჯარო განხილვისთვის გამოქვეყნებას.

ლევან აბაშიძემ სხდომა დახურულად გამოაცხადა.

სახელდებისა და სიმბოლიკის

კომისიის თავმჯდომარე

ლევან აბაშიძე

